

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Broj: 02-11-3139/21
Sarajevo, _____ godine

[02-09-2021]

Na osnovu člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04, na prijedlog Komisija za provođenje javne nabavke za izvođenje radova na postavljanju i održavanju saobraćajne signalizacije imenovana Rješenjem Općinskog načelnika broj: 10-45-3139/21 od 12.07.2021. godine, u daljem tekstu Komisija, (Zapisnik o pregledu i ocjeni ponuda broj: 02-11-3139/21 od 23.08.2021.godine), Opštinski načelnik d o n o s i :

O D L U K U **o izboru najpovoljnijeg ponuđača**

- I.** Prihvata se ponuda prvorangiranog ponuđača „**SACOM**“ d.o.o. **Ilijaš, ul. Luka bb, 71 380 Ilijaš** broj: 405/21 od 11.08.2021. godine, za dodjelu ugovora za izvođenje radova na postavljanju i održavanju saobraćajne signalizacije, putem otvorenog postupka, ukupne vrijednosti **330.317,00 KM bez PDV-a, odnosno 386.470,89 KM sa PDV-om.**
- II.** Ugovorni organ će sa izabranim ponuđačem zaključiti Okvirni sporazum na period od 3 (tri) godine, kojim će regulisati međusobna prava i obaveze u vezi predmetni nabavke, shodno zahtjevima ugovornog organa i zakonskim propisima.
- III.** Izabrani ponuđač je dužan dostaviti dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama najkasnije u roku od 5 (pet) dana od dana prijema ove Odluke na Protokol Ugovornog organa. (originale ili ovjerene kopije).
- IV.** Ova Odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem iste svim ponuđačima, shodno članu 70. stav (6) Zakona.

O b r a z l o ž e n j e

Otvoreni postupak za izvođenje radova na postavljanju i održavanju saobraćajne signalizacije, pokrenut je Posebnom Odlukom Općinskog načelnika broj: broj: 02-11-3139/21 od 31.05.2021. godine.

Shodno Zakonu, objavljeno je obavještenje o nabavci putem otvorenog postupka, na Internet portalu E-nabavke, broj Obavještenja: 848-1-3-122-3-66/21 od 16.07.2021.godine.

U roku za dostavljanje ponuda određenom u tenderskoj dokumentaciji, dana 12.08.2021. godine do 12,00 sati, na adresu ovog ugovornog organa pristigle su 3 (tri) ponude ponuđača: 1.„BULJAN CESTE“ d.o.o. Kreševo; 2.„SACOM“ d.o.o. Ilijaš; 3.KJKP „RAD“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kao kriterij „najniža cijena“, kako slijedi:

r/b	Ponuđač	Ukupna cijena ponude bez PDV-a	Popust (KM)	Ukupna cijena sa popustom i PDV-om
1.	„BULJAN CESTE“ d.o.o. Kreševo	402.101,70	19.099,83	448.112,19
2.	„SACOM“ d.o.o. Ilijaš	383.002,73	-	448.113,19
3.	KJKP „RAD“ d.o.o. Sarajevo	425.293,05	-	497.592,87

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude „BULJAN CESTE“ d.o.o. Kreševo i „SACOM“ d.o.o. Ilijaš sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Ponuđač KJKP „RAD“ d.o.o. Sarajevo, ul. Paromlinska br. 57, 71 000 Sarajevo, nije dostavio traženi dokaz o ispunjavanju uslova tehničke i profesionalne sposobnosti iz tačke 7.4.1. pod b) tenderske dokumentacije odnosno:

b) da ponuđač na raspolaganju ima stručno osoblje na poslovima izvođenja predmetnih radova i to:

Za horizontalnu signalizaciju i to:

- najmanje jednog diplomiranog inženjera saobraćaja (VSS VII stepen – dipl.inženjer saobraćaja – cestovni/drumski smjer odnosno visoko obrazovanje najmanje prvog ciklusa Bolonjskog sistema studiranja (koje se vrednuje sa najmanje 240 ECTS bodova) saobraćajne struke – smjer cestovni/drumski saobraćaj sa min. 5 godina radnog iskustva i položenim stručnim ispitom) i najmanje jednog građevinskog tehničara, pri čemu se ne zahtijeva da lice bude u radnom odnosu (može biti angažovano po osnovu ugovora o djelu ili nekom drugom pravnom osnovu); sa potrebnim radnim iskustvom , te položenim stručnim ispitom za izvođenje predmetnih radova;

Dokaz: Izjava ponuđača o kadrovskom kapacitetu, ovjerena fotokopija diplome za dipl.inženjera saobraćaja i za građevinskog tehničara, ovjerena fotokopija diplome, dokaz o radnom iskustvu (potvrde ili fotokopije ugovora o radu za traženi dipl.inženjera saobraćaja i građ.tehničara, ovjerena fotokopija uvjerenja o položenom stručnom ispitu za izvođenje predmetnih radova.

- da ima mogućnost pristupa ili osiguran pristup tehničkim sredstvima i opremi koji će biti na raspolaganju za izvođenje radova i to:

- Min. 1 (jedna) samohodna mašina za mašinsku izradu uzdužnih tankoslojnih oznaka horizontalne saobraćajne signalizacije na kolovozu izrađenih od boja za kolovoz;
- Min. 1 (jedna) samohodna mašina za mašinsku izradu uzdužnih oznaka na kolovozu;
- Min. 1 (jedna) mašina za izradu poprečnih oznaka na kolovozu od hladne plastike;
- Min. 1 (jedna) mašina za izradu poprečnih oznaka na kolovozu od debeloslojne višekomponentne hladne plastike ili od debeloslojne vruće plastike;
- od boje za kolovoz;
- Min. 1 (jedna) mašina za ravnomjerno i kontrolisano nanošenje zadate količine perle na poprečne oznake;

Za vertikalnu signalizaciju i to:

- da ponuđač posjeduje važeći atest koji je akreditovan od nadležne institucije, a koji zadovoljava propisane standarde BAS EN 12899-1 odnosno usaglašen sa standardom EN 12899-1 ili odgovarajući ekvivalentni certifikat
- da saobraćajni znakovi i saobraćajne table (oblici, dimenzije, uticaj vjetra i klasa refleksije) moraju biti u skladu sa odredbama Pravilnika o saobraćajnim znakovima („Službeni glasnik BiH”, br. 16/07)

Kako ponuđač KJKP „RAD” d.o.o. Sarajevo, ul. Paromlinska br. 57, 71 000 Sarajevo, u svojoj ponudi nije dostavio sve tražene dokaze, njegova ponuda se odbacuje kao neprihvatljiva u skladu sa odredbom člana 68. stav (1) Zakona o javnim nabavkama.

Također, ponuđač KJKP „RAD” d.o.o. Sarajevo, ul. Paromlinska br. 57, 71 000 Sarajevo u svojoj ponudi je dostavio Garanciju za ozbiljnost ponude ali ne u skladu sa tačkom 8.8. tenderske dokumentacije, odnosno prema tački 8.8.4. Garancija za ozbiljnost ponude se ne smije bušiti radi ulaganja u ponudu već treba biti dostavljena na sljedeći način: dostavlja se u originalu, u zatvorenoj plastičnoj foliji koja se na vrhu zatvori naljepnicom na kojoj je stavljen pečat ponuđača ili se otvor na foliji zatvori jemštvenikom, a na mjesto vezivanja zaljepi naljepnica i otisne pečat ponuđača i uvezana u cjelinu čini sastavni dio ponude.

Ponuđač je dostavio Garanciju za ozbiljnost ponude zatvorenu naljepnicom u desnom uglu i to bez pečata ponuđača, što nije u skladu sa načinom dostavljanja iste prema zahtjevima tačke 8.8.4. iz tenderske dokumentacije.

Tenderskom dokumentacijom je predviđeno održavanje e-aukcije. E-aukcija u predmetnom postupku održana je dana 20.08.2021. godine sa početkom u 14,00 sati.

E-aukcija je završena u 15,56 sati. U toku održane e-aukcije ponuđači su podnijeli ukupno 115 (slovima: stotinupetnaest) ponuda.

Prema rezultatima e-aukcije izvršeno je konačno rangiranje ponuđača koji su učestvovali u e-aukciji kako slijedi:

r/b	Ponuđač	Ukupna cijena ponude bez PDV-a	Ukupna cijena ponude sa PDV-om
1.	„SACOM” d.o.o. Ilijaš	330.317,00	386.470,89
2.	„BULJAN CESTE” d.o.o. Kreševo	330.700,00	386.919,00

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Prvorangiranog ponuđača **„SACOM” d.o.o. Ilijaš, ul. Luka bb, 71 380 Ilijaš** broj: 405/21 od 11.08.2021. godine, za dodjelu ugovora za izvođenje radova na postavljanju i održavanju saobraćajne signalizacije, putem otvorenog postupka, i sa istim će se zaključiti Okvirni sporazum na period od 3 (tri) godine, ukupne vrijednosti od **330.317,00 KM bez PDV-a, odnosno 386.470,89 KM sa PDV-om.**

Opštinski načelnik je prihvatio Izvještaj i preporuku Komisije za javne nabavke, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH - Filijala Mostar, putem ovog ugovornog organa (Općina Centar Sarajevo), najkasnije u roku od 10 (deset) dana od dana prijema iste, shodno članu 101. Zakona.

Naknada za pokretanje žalbenog postupka iznosi 3.500,00 KM shodno članu 108. stav (1) tačka d) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



OPŠTINSKI NAČELNIK

Đorđan Mandić

Prilog:

- Zapisnik o pregledu i ocjeni ponuda broj: 02-11-3139/21 od 23.08.2021.godine

Dostaviti:

1. Ponuđačima:

„BULJAN CESTE“ d.o.o. Kreševo, ul. Tropska bb, Kreševo

„SACOM“ d.o.o. Ilijaš, ul. Luka bb, 71 380 Ilijaš

KJKP „RAD“ d.o.o. Sarajevo, ul. Paromlinska br.57, 71 000 Sarajevo

2. Službi za javne nabavke, zajedničke poslove i Informatiku

3. Službi za investicije, komunalni razvoj i planiranje

4. Službi za finansije

5. Arhivi